



**JUDICIAL SYSTEM MONITORING PROGRAMME
PROGRAMA DE MONITORIZAÇÃO DO SISTEMA JUDICIAL**

KONFERENSIA IMPRENSA

Dili, 13 Feveiru 2007

**TAUR MATAN RUAK NU'UDAR SASIN IKUS IHA KAZU FAHE KILAT BA
POPULASAUN SIVIL IHA TIMOR LESTE**

Julgamentu kontinuasaun XII ba kazu arguidu Rogerio Tiago Lobato,cs ne'e halao iha lora Tersa-feira, 13 Februari 2007. Julgamentu produsaun provas ba rona depoimentus sasin nian ne'e Tribunal apresenta deit sasin Brigadeiru Jenderal Taur Matan Ruak. Partisipantes sira ne'e akompaña julgamentu ne'e JSMP haree ema hotu-hotu iha antusiasmu atu rona depoimentus husi sasin Taur Matan Ruak tanba nia maka superior Militar nian ne'e defeza arguidu Rogerio Lobato nian apresenta atu bele hato'o ninia depoimentus konaba kazu fahe kilat ba populasau sivil sira.

Antes hahú julgamentu, parte defeza arguidu Rogerio Tiago Lobato,cs ne'ebe preside husi advogadu Paulo dos Remedios dehan katak iha ema na'in lima deskoñesidu ne'ebe lori kareta Pajero, lori ho kilat kompletu koko halo presau ba sira. maybe parte Tribunal nian ne'ebe reprezenta husi juiz Ivo Nelson de Caires Rosa Batista esklares katak Tribunal laiha kompetensia atu bele koalia konaba seguransa. Diak liu advogadu hatete kestaun ne'e direktamente ba parte Ministériu Justisa no parte UNPOL atu bele haree asuntu ida ne'e, atu nune'e labele akontese tan fail iha futuru .

Iha Taur ninia depoimentus ne'ebe hato'o tribunal, nia dehan katak nia la fiar se ema ida hanesan Rogerio Tiago Lobato ne'e halo krime kontra ninia nasaun rasik. Tanba nia ne'e lider ida ne'ebe luta atu bele hetan Independensia Timor Leste nian . *"dala ida tan, ha'u la fiar ba akuzasaun ida ne'e"* Tenik Sasin Taur Matan Ruak. Tanba ninia familia hotu mate durante tempu luta atu hetan libertasaun no nia rasik maka fundador FALINTIL ne'ebe durante tinan 24 nia laran luta atu hetan libertasaun husi Okupasaun Indonesia nian . Lobato rasik uluk eskola iha Semináriu ne'ebe nota bene nia hakarak sai padre kuandu nia la sai husi Semináriu. Tanba ne'e, imposible kuandu dehna nia iha intensaun aat elimina Padre sira, Madre sira, Petisionáriu sira ou parte husi Opozisoins sira.

Sasin Taur afirma mós katak issue ne'ebe dehan katak iha Timor Leste eziste diskriminasaun ras entre Loro Sa'e no Loro Monu, tuir Taur buat ida ne'e nunka

iha no nunka mosu tanba ema hotu iha nasaun Timor Leste ne'e mesak ema timor oan.

Konaba distribuissau kilat ba populasaun sivil sira Taur hato'o ninia deklarasaun:

"katak tuir lolós nia la hatene buat ida konaba asuntu ne'e. wainhira iha ona notisia iha media massa sira maka nia foin hatene. Kilat ne'e sé maka entrega no entrega ba sé, nia la hatene. Dala ruma, kilat hirak ne'e Rogerio maka entrega hanesan ida ne'e akuza dadaun ba nia ho objektivu atu suporta Polisi tanba iha momentu ne'e polisia la funsiona. Tuir sasin Taur"haree husi politika praktis ne'e aksaun ne'ebe lós." Hanesan aksaun ne'ebe F-FDTL sira halo hodi rekruta Veteranus iha rezistencia nian atu bele fó suporta ba F-FDTL kuandu iha ameasa. Tanba sira hatene lolós loialidade veteranus husi resitensia nian sira ne'e. konaba aksaun ida ne'e, husi parte Ministériu defeza no seguransa nian mós autoriza no akzaun ne'e realize iha 24 Maiu 2006.

Wainhira kestiona mós konaba sé maka sei kontrola veteranus husi rezistencia nian sira ne'ebe armadus hotu ne'e, Taur fó resposta katak iha prinsípiu sira (F-FDTL) maka sei kontral veteranus husi rezistencia hirak ne'e. Konaba kazu Railos ne'ebe mós veteranus husi rezistencia no lakon kontrola, Taur fó resposta katak nia la iha koÑesimentu konaba ne'e tanba Railos no nia membru sira laos iha ninia supervizaun .

JSMP hola konkluzau katak husi deklarasaun sasin Brigadeiru Taur nian konaba estabesimentu forsas parallel atu suporta membru F-FDTL no Polisia kuandu iha situasaun balun, hanesan interpretasaun ba Lein ne'ebe inkonstitusional. Tanba maske ema sivil sira ne'e ema veteranus husi rezistencia, sira ne'e populasaun sivil nafatin no tuir lei ne'ebe aplibavel ema sira ne'e labele iha labele kaer kilat. Mesmu ke ita hatene ema sira ne'e ninia loialidade iha luta ba defende interese nasaun nian . Hanesan regula ona iha artigu 146 no artigu 147 Konstitusional RDTL katak ida ne'ebe iha kompetensia ba defeza no Seguransa Nasional maka F-FDTL no Polisia. Konstituisau la fó dalan ba populasaun sivil atu bele kaer kilat. JSMP nia opiniaun katak tuir Konstituisau no Lei sira seluk iha Timor Leste, populasaun sivil labele kaer kilat. Los duni, iha artigu 49{1}Konstituisau RDTL dehan katak "*ema sidadaun hotu-hotu iha direitu no dever atu defende independensia, soberania, no integridade territorial estadu nian*". Se ita hare ba atrigu ne'e fo ninia interpretasaun katak sidadaun hotu-hotu lolos iha dever no direitu atu fo apoiu ba F-FDTL no Polisia hodi defende teritoriu ne'e no independensia Timor Leste nian. Maibe laos signifika ema sivil bele kaer kilat no iha kilat. Nune'e tuir lei la permite ba ema sivil ida atu kaer no iha kilat. Só ema ne'ebe servisu hanesan military maka kaer no iha kilat.

JSMP rekomenda ba parte governu nian atu ho sériu bele tau matan ba asuntu ida ne'e. merekomendasikan kepada pihak pemerintah untuk memperhatikan hal ini secara serius. tanba, se tuir opiniaun katak fó kilat ba ema sivil (veteranus)

ne'e tuir polítika Praktis, ne'e JSMP preokupa tebes katak kilat ne'ebe populasaun sivil sira kaer ne'e sei labele kontrola ho diak tanba laiha lideransan ne'ebe lalós. Maske nune'e JSMP apresia no respeito teb-tebes ba kolaborasaun husi parte Lider Altu F-FDTL nian Brigadeiru Jeneral Taur Matan Ruak ne'ebe ho disponibilidade tomak bele hiit-an mai to'o iha Tribunal atu bele hato'o ninia depoimentus. Ita hotu espera katak liu husi produsaun provas hirak ne'e, Tribunal sei hola desizaun ida ne'ebe diak, lós no Justu ba ema hotu ne'ebe involve iha prosesu krime ne'e nia laran. JSMP fiar metin nafatin katak Nasaun Timor Leste sei hamrik metin no avansa ba oin nafatin ho servisu maka'as husi Forsas Armadas Timor Leste no PNTL nian.

UNTUK INFORMASI LEBIH LANJUT SILAHKAN HUBUNGI:

Maria de Vasconcelos

Acting Director, JSMP

Telephone: 332 3883

Email: vasconcelosmerry@yahoo.com